

KHUTBA HAJJATUL VIDAA

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronunciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

Hijrat ke dasve saal Allah ke Rasool ﷺ fariza e haj ki adaayagi ke liye nikle taake arkaan islam ki amali shakal paaye takmeel ko pahuch jaaye aur log aap se manaasik e haj ka tareeqa seekh le, cunaache zee khaada me elaan kar diya gaya ke is saal Rasoolullah ﷺ haj ke liye nikalne vaale hai, ye khabar poore Makka me phail gayi aur har taraf se log joukh dar joukh madeena me ikattha hone lage, yahaa tak ke **aazmeen** e haj ka ek jamaa **ghafeer** madeena me jamaa ho gaya jo aap ﷺ ki sohbat me haj karne ko apne liye baa as sa'aadat samajh raha tha. Aap ﷺ apne haj me teen mashoor va maaroof khutba irshaad farmaaye jisme aap ﷺ ne ummat muslima ko deen e islam ke usool va khavaayeed se aagaa farmaya aur bahut si deegar naeehate bhi Aap ﷺ apne in khutbaat me zikar farmaaye, jo ummat ke liye mashaal e raah saabit huye.

FEHRIST

1. QURAAN
2. KHUTBA YOUM E ARFA

1. QURAAN

Farmaan e baari taala hai : Aaj maine tumhare liye deen ko kaamil kar diya aur tum par apna inaam bharpoor kar diya aur tumhare liye islam ke deen hone par razaamand ho gaya. **(Al Maayida : 3)**

Aur farmaan baari taalaa hai : Jo shakhs islam ke sivaa aur deen talaash kare, uska deen qubool na kiya jaayega aur vo aakhirat me nuqsan paane vaalo me hoga. **(Aale Imran : 85)**

2. KHUTBA YOUM E ARFA ... 9 ZIL HAJJAH

Nabi ﷺ ne arfa ke din ka khutba **batan** vaadee (arfa) maidaan arfaat me savaari par jumaa ke din zuhar ki namaaz se pahle irshaad farmaaya. Khalid bin **adaa** raziallaahuanhu se marvi hai vo farmaate hai : "Maine Rasoolullah ﷺ ko arfa ke din oont ki **rikabo** par khade hokar khutba dete huye dekha." (Sahih Abu Davood : -----) Hafiz ibne Hajar kahte hai ke arfa ka din juma ke din tha. (Fat hul Bari : -----) aur saahab tahfita ala houzi likhte hai ke "ye arfa ka din tha aur is din juma tha." (-----)